

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava planiranih u Budžetu Zeničko-dobojskog kantona za 2023. godinu na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX010 „Tekući transfer za JU Kantonalna bolnica Zenica“, broj: 02-11-5925/23 od 11.04.2023. godine, na prijedlog Ministarstva zdravstva, Vlada Zeničko-dobojskog kantona, na 20. sjednici, održanoj dana 19.05.2023. godine, d o n o s i

ODLUKU

o odobravanju sredstava JU Kantonalna bolnica Zenica za usluge servisiranja i održavanja medicinske opreme na Radioterapiji – LINAK i softverski sistemi

Član 1.

(Predmet)

(1) Odobravaju se sredstva JU Kantonalna bolnica Zenica u ukupnom iznosu od 198.690,57 KM (slovima: stotinudevedesetosamhiljadašestodevedeset i 57/100 konvertibilnih maraka) za nabavku usluga održavanja medicinske opreme na Radioterapiji – LINAK i softverski sistemi koje uključuju:

- a) održavanje linearnog akceleratora Compact, 6MV, proizvođača „Elektra“,
- b) održavanje softverskih sistema MOSAIQ i
- c) održavanje softverskih sistema MONAKO.

(2) Odobrena sredstva iz stava (1) ovog člana odnose se na ukupnu ugovorenu vrijednost usluge na šestomjesečnom nivou po osnovu Ugovora broj: 32-04-7398/22 od 14.10.2022. godine zaključenog sa „Medpoint“ d.o.o. Sarajevo.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX010, pozicija „Tekući transfer za Kantonalnu bolnicu Zenica”.

(2) Sredstva odobrena Odlukom će se transferisati na žiro-račun JU Kantonalna bolnica Zenica broj: 1340100000339717 otvoren kod ASA banke, na osnovu Odluke.

(3) Transfer sredstava iz člana 1. ove odluke, izvršit će se u 2 (dvije) rate i to:

- a) prva rata u iznosu od 135.109,58 KM (slovima: stotinu trideset pet hiljad stotinu devet i 58/100 konvertibilnih maraka) transferisat će se po donošenju Odluke,
- b) druga rata u iznosu od 63.580,99 KM (slovima: šezdeset tri hiljade pet stotina osamdeset i 99/100 konvertibilnih maraka) transferisat će se 15.07.2023. godine.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

Član 4.
(Izvještavanje)

JU Kantonalna bolnica Zenica dužna je izvijestiti Ministarstvo zdravstva o namjenskom utrošku sredstava dostavljanjem faktura i dokaza o uplati sredstava dobavljaču.

Član 5.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-8317/23.

Datum, 19.05.2023. godine

Z e n i c a

PREMIJER

Amra Mehmedić

DOSTAVLJENO:

1x Ministarstvo zdravstva,

1x Ministarstvo finansija,

1x JU Kantonalna bolnica Zenica, putem Ministarstva,

1x „Službene novine Zeničko-dobojskog kantona“,

1x a/a.